

Na osnovu člana 16. Stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj 7/10), a u skladu sa članom 25. Zakona o popisu stanovništva, domaćinstava i stanova u Bosni i Hercegovini 2013. godine („Službene novine Federacije BiH“ broj 14/12), Vlada Zeničko-dobojskog kantona, na 77. sjednici, održanoj 04.09.2012. godine, d o n o s i

ODLUKU O IMENOVANJU OSOBA KOJE ĆE OBAVLJATI POSLOVE KANTONALNE POPISNE KOMISIJE

Član 1. (Predmet)

Ovom odlukom imenuju se osobe koje će za vrijeme trajanja Probnog popisa obavljati poslove Kantonalne popisne komisije za područje Zeničko-dobojskog kantona Federacije Bosne i Hercegovine, zadaci i obaveze, način finansiranja i stupanje na snagu.

Član 2. (Osobe)

Poslove Kantonalne popisne komisije za područje Zeničko-dobojskog kantona Federacije Bosne i Hercegovine će obavljati:

- Fikret Plevljak – Premijer Zeničko-dobojskog kantona,
- Munevera Kasap – načelnik Službe za statistiku za područje Zeničko-dobojskog kantona Federalnog zavoda za statistiku.

Član 3. (Nadležnost)

Zadaci i obaveze imenovanih osoba su slijedeći:

- Nadzor aktivnosti oko priprema, organizovanja i provođenja Probnog popisa na teritoriji Kantona,
- Iniciranje načelnicima općina da formiraju općinske popisne komisije, kao i angažovanje instruktora i popisivača,
- Koordiniranje i nadziranje rada općinskih popisnih komisija što podrazumijeva nalaganje općinskim popisnim komisijama da obezbijede adekvatan prostor za obuku instruktora i popisivača i provjeru da li su blagovremeno organizovali i proveli obuku opštinskih instruktora i popisivača,
- Briga o pravilnoj primjeni organizacionih i metodoloških upustava za sprovođenje popisa u saradnji sa općinskim popisnim komisijama,
- Aktivno sudjelovanje u rješavanju eventualno nastalih problema tokom odvijanja popisnih aktivnosti,
- Kontinuirana koordinacija i praćenje rada općinskih popisnih komisija na području kantona, tj. praćenje da li se poslovi općinskih popisnih komisija obavljaju kvalitetno u skladu sa Planom aktivnosti,
- Obavješćavanje stanovništva o provođenju Probnog popisa u općinama Kantona koje su izabrane za uzorak,
- Dostupnost u periodu od 09.00 -21.00 sat, radi rješavanja eventualnih problema koji se mogu pojaviti tokom trajanja Probnog popisa,

- Obavljanje drugih poslova u skladu sa Zakonom i instrukcijama ovlaštenih osoba Federalnog zavoda za statistiku uz obavezno pridržavanje postupaka i defnicija koji su dati u Uputstvu za organizovanje i provođenje Probnog popisa i Uputstva za popisivače i općinske instruktore.

Član 4.
(Podnošenje izvještaja o radu)

Za svoj rad, imenovane osobe su odgovorne Vladi Kantona i Federalnom zavodu za statistiku.

Izvještaj o radu se podnosi jednom sedmično.

Član 5.
(Način finansiranja)

Sredstva za finansiranje rada imenovanih osoba na poslovima Kantonalne popisne komisije obezbjeđuju se u skladu sa članom 38. Zakona o popisu stanovništva, domaćinstava i stanova u Bosni i Hercegovini 2013. godine („Službene novine Federacije BiH“, broj 14/12).

Visina naknade za rad utvrdiće se posebnim rješenjem koje donosi direktor Federalnog zavoda za statistiku.

Član 6.
(Stpanje na snagu)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____/12.
Datum, 04.09.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Premijer Zeničko-dobojskog kantona,
1x Federalni zavod za statistiku Sarajevo,
1x Stručna služba Vlade,
1x „Službene novine Zeničko-dobojskog kantona“,
1x a/a.